

卯 11

4-3

共 4 册

宋本千金寶要方



唐孫思邈撰

氏金寶鑑

馬培之書



光緒己未冬月上海石
印書局依平津館本



南京中醫藥大學圖書館版權所有

刻千金寶要序

千金寶要者宋徽猷閣直學士郭思按唐孫真人先生所集千金方中纂要者也宣和六年思曾刻石于華州公署我明正統八年華州知州劉整重刻景泰六年和州楊勝賢以石刻冬月不便摹印易刊木板往年春予得之喜其方之簡便藥之近易醫不煩而取効速信有切于人之實用迺珍如拱璧不容自秘已命壽之梓矣竊惟寶要纂自真人千金方中天下之遊耀州真人洞者歲無虛日日無虛時顧獨不立石于真人洞前非所以廣其傳也因刻于洞前云隆慶六年歲在壬申春三月上吉秦王守中識

重刻千金寶要序

千金寶要十七卷附論及千金須知爲十八卷宋宣和時郭學士思從孫徵君思邈所撰千金方擇要刻石華州公署自明正統景泰間俱有木石刻本至隆慶六年秦王守中復刊石耀州真人祠四庫書未及收錄余遊關中得其榻本藏笈中按家徵君生於後周卒於唐永淳之代葉夢得避暑錄話稱其作千金前方時已百餘歲後三十年作千金翼段成式酉陽雜俎則謂昆明池龍宮有仙方三千首徵君以救龍得之因上帝不許妄傳復著千金方三十卷每卷入一方千金方本與千金翼方爲二書是以舊唐書本

傳止載千金方三十卷晁公武陳振孫書目則云各三十卷今俗本千金翼方九十三卷不知何人更其次第千金前方竟不可別此宣和時擇要本當從前方錄出者龍宮仙方在其內真世閒祕異之書不可不廣其傳以公同志書中謂今俗稱豆瘡爲小兒丹毒又有反花瘡元人奇効良方始謂之痘疹可証俗人謂此疾出於近代者非也縊死人可救落水死人經一宿猶可活倉卒間不知其方書備其術尤爲濟人之仁術世之從政者不師蓋公獄市勿擾之言惟株累鍛鍊之是務置一切積貯水利農田學校利益於人之事於不問以致損傷元氣感召災殃誠不如

尋覽方書胸中常有活人之念爲善最樂在此不在
彼矣嘉慶十二年七月三日 賜進士及第授通奉
大夫署山東布政使督糧道加四級陽湖孫星衍撰
於藩署之濟性堂



北京中医药大学图书馆

千金寶要目錄

婦人第一

小兒第二

中毒第三

飲食中毒第四

解百藥毒第五

蛇蝎等毒第六

喉痺金瘡第七

瘡疽癰腫第八

霍亂吐瀉第九

虎犬馬傷第十

針折入肉附



南京中醫藥大學圖書館版權所有

舌耳山目等大小便第十

中風大風水氣第十二

瘡痢癰等第十三

頭風吐逆第十四

疫瘴蜀林第十五

頭面手足癰癰瘡漏第十六

痔第十七

論

千金須知

千金寶要目錄終



南京中医药大学图书馆版权所有

千金寶要卷之一

賜進士及第授通奉大夫署山東布政使孫星衍校

婦人第一

妊娠難產燒車軋脂內酒中服亦治腹中痛并咳嗽
妊娠忽苦心腹痛燒鹽令赤熱三指撮酒服之立產
又方吞槐子二七箇

又方菟絲子或車前子以酒或米汁服方寸匕卽生
又方水或酒服家中黑塵

子死腹中及小難橫生倒生難生者半夏白斂各二
兩末之服方寸匕亦可加代赭瞿麥各二兩佳小
難一服橫生二服倒生三服子死四服

又方榆白皮細切煮三升服之

子死衣不出上搶心者急取蟻垤土三升熬之令熟
囊盛熨心良

又方末竈突中墨三指撮水或酒服之

乳無汁者土瓜根末之一服半錢匕日三

衣不出及橫生逆生者小麥小豆煮濃汁飲立出

產三日不出者燒大刀鏤以酒一盞沃之頓服

又方燒藥杵令赤內酒中飲之救死不分挽者

產乳暈絕者製了半夏一兩末之丸如大豆內鼻孔

中愈

又方神麴末水服方寸匕

又方舍醎醋喫面

子死腹中牛屎塗母腹上立出

胎死腹中服水銀三兩立出

未足月而胎死者以苦酒濃煮大豆一服一升死胎

立出

妊娠時疾子不下竈中黃土水或酒或泔清調塗臍

方寸乾再上

又方酒服車轄脂

又方菟白一把水三升煮熟食菟令盡亦安胎胎死

者卽出

妊娠中蠱燒敗鼓皮酒服方寸匕

妊娠傷寒芩白十莖生薑二兩切水三升煮去半服
取汗

產後血不盡煩悶搗生藕取汁飲二升良

產後腹脹痛者煮黍粘根爲飲一服卽愈

五色帶下者煮鰾帶汁服一盃良

月水不斷灸內踝下白肉際青脉上隨年壯

又方服地黃酒良或大豆服亦佳

月水不利及無子灸四滿三十壯穴在丹田兩邊相

去各一寸半丹田在臍下二寸

漏下積年困篤者取鵲重巢燒灰末之服方寸匕日

三服三十日愈重巢者連二年鵲產其上者是



1961

中醫藥大學圖書館

產後月水往來多少不定或不通痛小腹急腰身重
白馬尿一升服之良

逆生橫生者竈下黃土三指撮酒服立出

小兒第二

凡小兒生下不啼者取兒臍帶向身却將之仍可之
百度亦可以茛白鞭之

浴新生兒以猪膽一箇汁入湯中令兒無瘡疥

小兒生輒死者便覷兒口中懸癰前上腭有胞者急
以指摘取頭決令潰去血勿令血入咽入咽卽殺

兒慎之

小兒臍不合燒蜂房灰末傅之

小兒中風口噤雀屎如麻子丸之飲下卽愈

此生三日內朱蜜多則生陰癰朱蜜三日內通得用
三豆許朱蜜後與牛黃亦三豆許除兒百病牛黃
後可與米飲研米作厚飲如豆大與兒三豆許止
日二七日後方哺乳

小兒解顱熬蛇脫皮末之和猪頰車中髓傅頂上日
三四

小兒肚皮卒然青黑以酒和胡粉傅上若不急治須
臾便死

又方灸臍左右上下各半寸並鳩尾骨下一寸凡五
處各三壯

小兒暴脹欲死半夏隨多少微炮之爲末酒九如粟
米大日三

小兒丹毒搗慎火草絞取汁塗之

小兒赤遊腫若徧身入心腹殺人搗伏龍肝爲末以
雞子白和傅之乾易之

又方白豆末水和傅之勿令乾

又身赤腫起者熬米粉令黑以唾和傅之

小兒傷寒發黃搗土瓜根汁三合服之

又方搗青麥汁服之

又方搗韭根汁澄清滴兒鼻中如大豆許卽出黃水

差



小兒霍亂研尿滓乳上服之

又方牛涎灌口中一合

小兒客忤吞麝香大豆許立愈

又方以母月衣覆兒上大良

又方取牛鼻津服之

又方取牛口沫傅乳頭飲之

又方取熱馬屎一九絞取汁飲兒下便愈亦治嘔

面青腹強者

小兒誤吞針取磁石如棗核人吞之或含之其針立
出

誤吞鐵物等艾蒿一把剉以水五升煮取一升半服



南京中医药大学图书馆版权所有